

**NAQQIUT****Akissuteqaat 17. august 2022-meersoq taarserpaa****Uunga siunnersuut: Ikiaroorartut pillugit Inatsisartut inatsisaat**

(Meeqqanut, Inuusuttunut, Ilaqtariinnut Peqqissutsimullu Naalakkersuisoq)

**Saqqummiussissut**

(Meeqqanut, Inuusuttunut, Ilaqtariinnut Peqqissutsimullu Naalakkersuisoq)

**Siullermeerneqarnera**

Naalakkersuisut sinnerlugit matumuuna Ikiaroorartut pillugit Inatsisartut inatsisissaattut siunnersuut saqqummiutissavara.

Inatsisartut inatsisaat malittarisassanut atuuttunut arlalitsigut eqqaanarpoq, pingaarutilinnik marlunnik assigiinngissuteqarluni: Siullertut siunnersuummi pineqaatissiisarnermut allattaavinnik ilitersuutaasussanik ilanngussisoqarpoq. Unioqqutitsinerup sakkortussusaata Unnerluussisussaataasunit, Eqqartuussivinnit oqartussanillu allanit nalilerneqarnissaanut pissutaaqataasinnaasut assigiinngitsut ilanngullugit eqqarsaatigisassaata ilitersuummi allaaserineqarput. Taamaasiornikkut innuttaasut inatsisartut isumannaatsuunissaat annertunerusumik qulakkeerinnissaq, nunalu tamakkerlugu assigiiaarnerusumik suleriaaseqarnissaq qulakkeerneqassalluni.

Aappaattut inatsisartut inatsisaat aqqutigalugu cannabis-imik tunisassiat 0,2 % angullugit THC-mik akullit inertequtaajunnaarsinneqassapput. Taamaasilluni Inatsisartut 2019-imi aalajangigaat piviusunngortinneqarsinnaassaaq. Naalakkersuisut suliaassarfimmattunga nalunaarummik Inatsisartut inatsisaat atuutillerneqarnerani aamma atuutillerneqartussamik suliaqarput. Taamaasiornikkut ingerlatseqatigiiffiit suliffeqarfiillu tunisassianik taamaattunik nunatsinnut eqqussuinissamut tuniniaanissamullu akuersissummik qinnuteqarsinnaalissapput.

Naalakkersuisut oqaatigissavaat, siunnersuummi matumani cannabisimik nakorsaattit pillugit Inatsisartut aalajangigaat pineqanngimmat, akerlianilli Inatsisartut aalajangigaat cannabis uuliat 0,2 % angullugit THC-mik akullit pillugit inertequtaajunnaarsinneqarnissaa pingaarnertut siunertarineqarmat.

Taamatut oqaaseqarlunga siunnersuut Inatsisartuni akuersaartumik oqallisigisassanngortippara.